

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### ডাইভারসিটি ভিসা ২০১১ লটারির নিবন্ধন শুরু

ঢাকা, ১লা অক্টোবর -- যুক্তরাষ্ট্রের পররাষ্ট্র দফতর ডিভি ২০১১-এর নিবন্ধনের জন্য সময়সূচি ঘোষণা করেছে। ডিভি-২০১১ লটারির জন্য আবেদন অবশ্যই ইলেকট্রনিক্যালি পাঠাতে হবে। ইস্টার্ন ডে-লাইট সময় অনুযায়ী (গ্রিনউইচ মান সময়ের চার ঘন্টা পূর্ব থেকে) ২রা অক্টোবর, ২০০৯, শুক্রবার হতে ইস্টার্ন ডে-লাইট সময় অনুযায়ী (গ্রিনউইচ মান সময়ের পাঁচ ঘন্টা আগ পর্যন্ত) ৩০শে নভেম্বর, ২০০৯ সোমবার দুপুর পর্যন্ত এই আবেদন পাঠানো যাবে। নিবন্ধন চলাকালে আবেদনকারীরা [www.dvlottery.state.gov](http://www.dvlottery.state.gov) ওয়েবসাইটে ইলেকট্রনিক ডাইভারসিটি ভিসা এন্ট্রি ফরম বা “ই-ডিভি” ফরম পূরণ করতে পারেন। কাগজে কোনো প্রকার আবেদন গ্রহণযোগ্য নয়। নিবন্ধনকালের শেষ সপ্তাহ পর্যন্ত অপেক্ষা না করে আবেদনকারীদের আগেভাগেই আবেদন করার জন্য জোরালোভাবে উৎসাহিত করা হচ্ছে। অত্যধিক চাহিদার কারণে শেষের দিকে ওয়েবসাইটে প্রবেশ করা কষ্টসাধ্য হতে পারে। ৩০শে নভেম্বর, ২০০৯ তারিখ ইস্টার্ন ডে-লাইট সময় অনুযায়ী দুপুরের পর আর কোনো আবেদন গ্রহণ করা হবে না।

যুক্তরাষ্ট্রের পররাষ্ট্র দফতর প্রতি বছর কংগ্রেস কর্তৃক অনুমোদিত ডাইভারসিটি ইমিগ্র্যান্ট ভিসা কর্মসূচি বাস্তরিক ভিত্তিতে পরিচালনা করে থাকে। এ কর্মসূচি যুক্তরাষ্ট্রের “অভিবাসন ও জাতীয়তা আইন”(আইএনএ)-এর ২০৩(গ) ধারার শর্তাবলী অনুযায়ী পরিচালিত হয়। ইমিগ্রেশন আইন ১৯৯০ (পা.ব. এল. ১০১-৬৪৯)-এর ১৩১ ধারার মাধ্যমে “আইএনএ ২০৩” ধারাটি সংশোধন করা হয়, যাতে “ডাইভারসিটি ইমিগ্র্যান্টস” নামে নতুন এক অভিবাসী শ্রেণীর কথা বলা হয়। যুক্তরাষ্ট্রে কম অভিবাসী আছে এমন দেশের নাগরিকদের “আইএনএ”-এর ২০৩(গ) ধারা অনুযায়ী প্রতি অর্থ বছরে সর্বোচ্চ ৫৫,০০০ ডাইভারসিটি ভিসা প্রদান করা হয়।

বার্ষিক ডিভি কর্মসূচি অনুযায়ী ডাইভারসিটি ইমিগ্র্যান্ট ভিসা পাবার যোগ্যতা অর্জন করার জন্য প্রার্থীদেরকে কিছু কঠোর কিন্তু সহজ নিয়মাবলী পূরণ করতে হয়। কম্পিউটার দ্বারা দৈবচয়ন পদ্ধতিতে লটারির মাধ্যমে ডিভির জন্য প্রার্থী বাছাই করা হয়। ছয়টি ভৌগোলিক অঞ্চলের মধ্যে ভিসাগুলো বণ্টন করে দেয়া হয়। এর মধ্যে যুক্তরাষ্ট্রে যেসব অঞ্চল থেকে কম অভিবাসী আছে এমন দেশগুলোকেই বেশি ভিসা দেওয়া হয়। গত পাঁচ বছরে যেসব দেশ থেকে ৫০,০০০-এর বেশি অভিবাসী যুক্তরাষ্ট্রে এসেছে সেসব দেশের নাগরিকদের কোনো ডাইভারসিটি ভিসা দেয়া হয় না। প্রতিটি ভৌগোলিক অঞ্চলের কোনো একটি দেশ এক বছরে মোট ডিভি'র সাত শতাংশের বেশি ভিসা পাবে না।

নিম্নোল্লিখিত দেশের নাগরিকরা ডিভি-২০১১ এর জন্য আবেদন করতে পারবেন না, কারণ এই দেশগুলো  
গত পাঁচ বছরে মোট ৫০ হাজারেরও বেশি অভিবাসী যুক্তরাষ্ট্রে পাঠিয়েছে। দেশগুলো হচ্ছে: ব্রাজিল, কানাডা,  
চীন(মূল ভৃ-খণ্ডে জন্মগ্রহণকারী), কলম্বিয়া, ডমিনিকান প্রজাতন্ত্র, ইকুয়েডর, এল সালভাদর, গুয়াতেমালা, হাইতি,  
ভারত, জ্যামাইকা, মেক্সিকো, পাকিস্তান, পেরু, ফিলিপাইনস্, পোল্যান্ড, দক্ষিণ কোরিয়া, যুক্তরাজ্য (উত্তর  
আয়ারল্যান্ড বাদে) ও এর নির্ভরশীল এলাকা এবং ভিয়েতনাম। হংকং এসএআর, মাকাউ এসএআর এবং  
তাইওয়ানে জন্মগ্রহণকারীরা ডিভি'র জন্য আবেদন করতে পারবেন।

ডিভি'র জন্য যোগ্য দেশগুলোর তালিকা থেকে কোনো দেশই বাদ পড়েনি বা নতুন কোনো দেশ  
তালিকাভুক্ত হয়নি। ডিভি-২০১০ এর যোগ্য দেশগুলোর তালিকাটিই বহাল রয়েছে।

ডিভি প্রক্রিয়া আরো দক্ষ ও সুরক্ষিত করার লক্ষ্যে যুক্তরাষ্ট্র পররাষ্ট্র দফতর ডিভি-২০০৫ থেকে  
ইলেক্ট্রনিক নিবন্ধন পদ্ধতি চালু করে। বেআইনিভাবে অভিবাসন অর্জনের জন্য যারা প্রতারণার পথ বেছে নেয়  
অথবা একাধিক আবেদন জমাদানকারীদের চিহ্নিত করার জন্য পররাষ্ট্র দফতর বিশেষ প্রযুক্তি ও অন্যান্য পছ্টা  
ব্যবহার করে।

আবেদন করার জন্য করণীয় ও ডিভি লটারি সম্বন্ধে কোনো প্রশ্ন থাকলে ডিভি-২০১১ ডিভি লটারির  
নির্দেশাবলী দেখুন। ডিভি-২০১১ ডিভি লটারির নির্দেশাবলী [www.dvlottery.state.gov](http://www.dvlottery.state.gov)-এ পাওয়া  
যাবে।

=====

জিআর/ ২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন,  
তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮-৮-৫৬৮৮; ই-মেইল:  
[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।